

# TOHAKTIYOTIKHAK



Kilamik Tohaktitaoyagiakaktok

## **NTI-kut tohaktiyomayot tatvani May-mi Angayokaghamik Niguaktitiffaakniaktot tatvalu Hadjagaffuk Angayokap Toglighanik tikoaghiniaktot**

**(March 18, 2026 – Iqaluit, Nunavut)** Nunavut Tunngavik Timingat (NTI-kut) Ilaukatauyut tatvalu ukkua Katimayingit ihomaliokhimaliktot, on March 13, 2026-mi, hivuvagaligomavlutjuk tahamna Niguaktitiffaaknik NTI-kut Angayokaghanik tatvanganin ubluanin December 2026-min tatvunga May 27, 2026-mun.

Tatvani January-mi ukkiimi atoktumi, NTI-kuni Ilaukataoyut tikuaghihimayot Toglihanik Angayokap uminga Paul Irgaut Angayokap innanungaktitugo, una Angayop innigiya inukagoikmat. Ukkua Ilaukataoyot ihomaliokhimayat malikayat ukkua NTI-kuni Katimayit, taimakatakmatguuk ayungnakatakmat ukkua NTI-kut piyumagaluaklutjuk kivgaktioitalimaitmata Inukutimingnik kinguani malgok tatkihitiini ataohinaotitlugo una ataniktoiyot angayokagiyat havaktitlugo.

“Una Angayokap havaiya pimagiungmat kivgaktioitanikmik Inuit nippigiyaitnik tatvalu tigomiakhuni ukkua NTI-kut havagiyagiakaktait tatvani Nunavut Angikutaatni,” ukkatok una Angayokangat Paul Irgaut. “Tatva una niguaktitinin ukutuginiakmatjuk hapkua Inuit inmingnik niguaklotik Angayokaghamik tatvalu pitjutaoniakmat tatva ukkua NTI-kut piyimaniakmata tamakmik Angayokamik tatvalu Togliginiaktanik hivulikniaktitlugik NTI-kunik.”

Ilalioitlugo tatva, ukkua Ilaukataoyot katimayit tikuaghihimaliktot uminga Adamee Itorcheak, Titigaktii-Manilikiyii tatvani Qikiqtani Inuit Katuyikatigit-kuni (QIA-kut), Toglihanun Angayokap NTI-kuni tikitiklugo una Niguaffakhimalikata taimatut ikkayokniakmat hivuliktionikut aullahimaakuvlugo.

“Ukkua Katimayit hivuliotiyat tatva ukkua NTI-kut huli havaghimaakuvlutjuk nutkaktitaohimaitumik havagiyamingnik,” ukaktok Irgaut. “Taima tiguakhivluta hadjakaffunuk Toglighanik Angayokap pitjutiginiagaptitku hivuliktikatiagiaptinik tatvalu hatkitikataklugit tahapkua havagiyagiakaktavut huli hannaiyaghimaaktitluta tahaffuminga Niguaktitiffakutighanik.”

Uktukovlugit tamaita hapkua niguagunngaktot Inuit niguagiaktokulugit tatvani Niguaktitiffalikata tatvani May 27, 2026-mi, Ukkua NTI-kut Katimayit ihomalioghimayot tatva NTI-kut huli aittutighanik \$100 talanik titikamik niovgutikhanik aittokatakniaktait tahapkua niguagiaktokhimayot, tahamna mannik aittutaoniaktok tatvangakniaktok uyagaghioktit maniliokhimayatnit Inuit Nunaotaitnit. Huli tuhaktitiniagivut Niguaktitiffaakniaktitlugit tatvalu tahapkuninga aittutaoniaktonik kilaminuak.

-30-

### **Media Contact**

Brodie Larocque

Hadja Ataniolaktok Tohaktitilikiyiitkuni

Nunavut Tunngavik Timingat

[Media@tunngavik.com](mailto:Media@tunngavik.com)